



Broj: 01/04-14-4284-4/18
Sarajevo, 27.07.2018.

Na osnovu čl.70. Zakona o javnim nabavkama BiH ("Službeni glasnik BiH", broj:39/14), a u vezi sa članom 38. Statuta Grada Sarajeva ("Službene novine Kantona Sarajevo", broj:34/08-Prečišćeni tekst), gradonačelnik Grada Sarajeva, donosi

ODLUKU
o izboru najpovoljnijeg ponuđača putem Pregovaračkog postupka
bez objave obavještenja o nabavci

I

Prihvata se konačna ponuda ponuđača „Aida Commerce d.o.o. Sarajevo, ul. Pijačna broj 5 71210 Ilidža, zaprimljen ana protokol ugovornog organa dana 27.07.2018. godine, u postupku provođenja javne nabavke putem Pregovaračkog postupka bez objave obavještenja o nabavci za „Košenje trave na kosinama regulacije korita rijeke Miljacke od Vrbanja mosta do pješačkog mosta na Otoci“.

II

Sa ponuđačem „Aida Commerce“ d.o.o. zaključit će se Ugovor o izvođenju radova iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj:01/04-14-4284/18 od 26.07.2018. godine, pokrenut je postupak javne nabavke „Košenje trave na kosinama regulacije korita rijeke Miljacke od Vrbanja mosta do pješačkog mosta na Otoci“.

Na zahtjev za dostavu ponude za učešće u Pregovaračkom postupku bez objave obavještenja o nabavci broj: 01/04-14-4284-3/18, od 26.07.2018. godine, Ponudu od 27.07.2018.godine, dostavio je ponuđač „Aida Commerce“d.o.o..

Otvaranje ponuda izvršeno je na sastanku Komisije za javnu nabavku, 27.07.2018.godine, imenovane Rješenjem gradonačelnika br:01/04-14-01/04-14-4284-2/18 od 26.07.2018.godine.

Komisija za javnu nabavku izvršila je uvid u Ponudu, te utvrdila da je ponuđač dostavio svu traženu dokumentaciju u skladu sa uslovima navedenim u tenderskoj dokumentaciji. Poslije obavljenih pregovora sa predstavnikom ponuđača, odlučeno je da isti dostavi konačnu ponudu sa smanjenom ponuđenom cijenom tako da ponuđena cijena u konačnoj ponudi iznosi 31.999,22 KM bez PDV-a, da će radove izvršiti u roku od 30 dana od dana uvođenja u posao te da se plaćanje izvrši nakon izvršenih svih radova.

Ponuđač je dostavio konačnu ponudu u skladu sa obavljenim pregovorima.

Nakon uvida u konačnu ponudu, Komisija za javnu nabavku, sačinila je Izvještaj i Preporuku Gradonačelniku od 27.07.2018. godine, da se ugovor o izvođenju radova košenje trave na kosinama regulacije korita rijeke Miljacke od Vrbanja mosta do pješačkog mosta na Otoci dodjeli ponuđaču „Aida Commerce“ d.o.o. sa ponuđenom cijenom u iznosu od 31.999,22 bez PDV-a.

Gradonačelnik Grada Sarajeva je prihvatio Preporuku Komisije na osnovu koje je donesena ova odluka.



POUKA O PRAVNOM LIJEKU: Protiv ove odluke može se uputiti žalba u pismenoj formi u roku od deset (10) dana od dana prijema iste.

Žalba se podnosi Gradonačelniku Grada Sarajeva, adresa: Grad Sarajevo, Gradska uprava, Hamdije Kreševljakovića 3/III, kao prvostepenoj instanci u žalbenom postupku.

Gradonačelnik Grada Sarajeva

mr. Abdulah Skaka

DOSTAVITI:

- Ponuđaču
- a/a